

U G O V O R
za javnu nabavku i isporuku
"Vreća za mrtvace"

I UGOVORNE STRANE

1. **Kantonalna uprave civilne zaštite Kantona Sarajevo**, ul. Fehima ef. Čurčića br. 1., 71000 Sarajevo, koju zastupa v.d. direktor, Kemal Cacan, (u daljnjem tekstu: **Kupac**), ID broj: 4200665390008 i
2. **GRACIA d.o.o.**, ul. Veljka Lukića br. 21 A, 75 000 Tuzla, kojeg zastupa direktor, Sidreta Suljagić, (u daljnjem tekstu: **Prodavac**), ID broj: 4209255400003.

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao "**Ugovorne strane**".

II OSNOV ZA ZAKLJUČENJE UGOVORA

S obzirom na novonastalo stanje pandemije ugovorni organ je u obavezi zbog proglašenog stanja prirodne i druge nesreće izvršiti opremanje svojih službi. Shodno navedenom ugovorni organ hitno, odnosno u izuzetnoj nuždi će postupati u skladu sa članom 10. stav 1. tačka b) Zakona o javnim nabavkama ("Službeni glasnik Bosne i Hercegovine", broj 39/14), u svrhu nabavke "čije izvršenje zahtijeva posebne mjere sigurnosti" što u konkretnom slučaju znači nabavku roba u svrhu zaštite javnog interesa (spašavanje ljudskih života, zdravlja i slično), a u skladu sa Zakonom o zaštiti stanovništva od zaraznih bolesti ("Službeni glasnik BiH" broj: 29/05) i Okvirnog zakona o zaštiti i spašavanju ljudi i materijalnih dobara u BiH od prirodnih i drugih nesreća („Službeni glasnik BiH” broj: 50/08).

III PREDMET UGOVORA

Član 1.

Predmet ovog Ugovora je nabavka i isporuka "Vreća za mrtvace" prema predračunu Prodavca broj: 20.-03 i Odluka o pokretanju postupka javne nabavke predmetnih roba – "Vreća za mrtvace", koje čine sastavni dio ovog Ugovora.

Član 2.

Nabavku i isporuku predmeta nabavke Prodavac je dužan isporučiti prema svojoj Ponudi i specifikaciji Kupca.

IV CIJENA I NAČIN PLAĆANJA

Član 3.

Ukupna vrijednost ugovorene nabavke definisane u članu 1. ovog Ugovora iznosi: 9.313,20 KM (slovima: devethiljadatristotinetinaest KM i 20/100).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana isplatiti na račun Prodavca broj: 3383002200455107 otvoren kod Uni Credit banka d.d.

Član 4.

Ugovorne strane su saglasne da će Kupac ukupan iznos iz člana 3. stav 1. ovog Ugovora isplatiti Prodavcu po obostranom potpisivanju ugovora u roku od 5 dana.

V ROK I MJESTO ISPORUKU

Član 5.

Prodavac se obavezuje da će robu iz člana 1. ovog Ugovora, isporučiti na adresi: Fehima ef. Čurčića br.1, 71 000 Sarajevo najkasnije u roku do 5 dana nakon obostranog potpisivanja ovog Ugovora.

VI KVALITET ROBE

Član 6.

Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno prema usvojenim standardima za ovaj predmet nabavke.

Primopredaju robe između Prodavca i Kupca izvršit će ovlašteni predstavnici Prodavca i Kupca.

VII OBAVEZE PRODAVCA I KUPCA

Član 7.

Prodavac se obavezuje:

- da će ugovorenu obavezu izvršiti blagovremeno, u ugovorenom roku, u skladu sa dostavljenim predračunom;
- da će u najkraćem roku otkloniti eventualne nedostatke koji mu budu predloženi prilikom primopredaje roba iz člana 1. ovog Ugovora od strane ovlaštenog lica Kupca;
- da će prilikom primopredaje roba iz člana 1. ovog Ugovora, Kupcu predati svu potrebnu prateću dokumentaciju za istu.

Član 8.

Kupac se obavezuje:

- da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

VIII PRIJELAZNE I ZAVRŠNE ODREDBE

Član 9.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 10.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne budu moguće, nadležan je Općinski sud u Sarajevu.

Član 11.

Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca, i isti će se primjenjivati do izvršenja svih pojedinačnih obaveza predviđenih ovim Ugovorom.

Član 12.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.

ZA PRODAVCA
GRACIA d.o.o.
DIREKTOR
M.P.
D. » GRACIA «
TUZLA

ZA KUPCA
DIREKTOR
M.P.

Broj: _____
Sarajevo, _____

Broj: 06-14-509-2/20
Sarajevo, 20.03.2020. godine

